

REGLUGERÐ

um (1.) breytingu á reglugerð nr. 1254/2008 um heilbrigðiskröfur vegna lagareldisdýra og afurða þeirra og um forvarnir og varnir gegn tilteknum sjúkdómum í lagardýrum.

1. gr.

Skráðir sjúkdómar.

IV. viðauka í reglugerð nr. 1254/2008 er breytt í samræmi við viðauka þessarar reglugerðar.

2. gr.

Gildistaka.

Reglugerð þessi er sett til innleiðingar á tilskipun 2008/53/EB að því er varðar vorveiru í vatnakarpa (SVC). Reglugerð þessi er sett með heimild í lögum nr. 55/1998, um meðferð, vinnslu og dreifingu sjávarafurða, lögum nr. 71/2008, um fiskeldi, lögum nr. 54/1990, um innflutning dýra, lögum nr. 25/1993, um dýrasjúkdóma og varnir gegn þeim og lögum nr. 60/2006, um varnir gegn fisksjúkdómum. Reglugerðin öðlast þegar gildi.

Sjávarútvegs- og landbúnaðarráðuneytinu, 9. mars 2009.

F. h. r.

Sigurgeir Þorgeirsson.

Baldur P. Erlingsson.

VIÐAUKI

II. hluti, IV. viðauka reglugerðar nr. 1254/2008 verður svohljóðandi:

II. HLUTI

Skráðir sjúkdómar

FRAMANDI SJÚKDÓMAR		
	SJÚKDÓMUR	SMITNÆMAR TEGUNDIR
FISKUR	Blóðmyndandi drep, EHN-veiki (Epizootic haematopoietic necrosis)	Regnbogasilungur (<i>Oncorhynchus mykiss</i>) og vatnaborri (<i>Perca fluviatilis</i>)
	Húðsveppadrep (Epizootic ulcerative syndrome)	Ættkvísl: <i>Catla</i> , <i>Channa</i> , <i>Labeo</i> , <i>Mastacembelus</i> , <i>Mugil</i> , <i>Puntius</i> og <i>Trichogaster</i>
LINDÝR	Sýking af völdum <i>Bonamia exitiosa</i> (<i>Bonamia exitiosa</i>)	<i>Ostrea angasi</i> og <i>O. chilensis</i>
	Perkinsusveiki (<i>Perkinsus marinus</i>)	Risaostra (<i>Crassostrea gigas</i>) og meyjarostra (<i>C. virginica</i>)
	Mycrocystosveiki (<i>Microcystos mackini</i>)	Risaostra (<i>Crassostrea gigas</i>), meyjarostra (<i>C. virginica</i>), <i>Ostrea conchaphila</i> og <i>O. edulis</i>
KRABBADÝR	Rauðhali (Taura syndrome)	<i>Penaeus setiferus</i> , <i>P. stylirostris</i> og <i>P. vannamei</i>
	Gulhöfðaveiki (Yellowhead disease)	Indfánarækja (<i>Penaeus aztecus</i>), <i>P. duorarum</i> , japönsk rækja (<i>P. japonicus</i>), tigrisrækja (<i>P. monodon</i>), <i>P. setiferus</i> , <i>P. stylirostris</i> og <i>P. vannamei</i> .

SJÚKDÓMAR SEM ERU EKKI FRAMANDI		
	SJÚKDÓMUR	SMITNÆMAR TEGUNDIR
FISKUR	Veirublæði (VHS)	Síld (<i>Clupea spp.</i>), tjarnasíld (<i>Coregonus sp.</i>), gedda (<i>Esox lucius</i>), ýsa (<i>Gadusa aeglefinus</i>), kyrrahafsporskur (<i>G. macrocephalus</i>), þorskur (<i>G. morhua</i>), kyrrahafslax (<i>Oncorhynchus spp.</i>), regnbogasilungur (<i>O. mykiss</i>), keilubrjóðir (<i>Onos mustelus</i>), urriði (<i>Salmo trutta</i>), sandhverfa (<i>Scophthalmus maximus</i>), tannsíld (<i>Sprattus sprattus</i>) og harri (<i>Thymallus thymallus</i>)
	Iðradrep (IHN)	Hundlax (<i>Oncorhynchus keta</i>), silfurilax (<i>O. kisutch</i>), <i>O. masou</i> , regnbogasilungur (<i>O. mykiss</i>), rauðlax (<i>O. nerka</i>), hnúðlax (<i>O. rhodurus</i>), kóngalax (<i>O. tshawytscha</i>) og lax (<i>Salmo salar</i>)
	Skjónakarpaherpesveiki (Koi herpes virus disease)	Vatnakarpi og koi-karpi (<i>Cyprinus carpio</i>)
	Blóðþorri (ISA)	Regnbogasilungur (<i>Oncorhynchus mykiss</i>), lax (<i>Salmo salar</i>) og silungur (<i>S. trutta</i>)
LINDÝR	Marteilúveiki (<i>Marteilia refringens</i>)	<i>Ostrea angasi</i> , <i>O. chilensis</i> , <i>O. edulis</i> , <i>O. puelchana</i> , kræklingur (<i>Mytilus edulis</i>) og miðjarðarhafskræklingur (<i>M. galloprovincialis</i>)
	Ostruveiki (<i>Bonamia ostreae</i>)	<i>Ostrea angasi</i> , <i>O. chilensis</i> , <i>O. conchaphila</i> , <i>O. denselammellosa</i> , <i>O. edulis</i> og <i>O. puelchana</i>
KRABBADÝR	Hvítblettaveikin	Öll tíftætt krabbadýr (ættbálkurinn <i>Decapoda</i>)